



Universitätsbibliothek Paderborn

**Martini Bonacinae, Sacr. Theologiae, Ac I. V. D. Vticensis
Episcopi, Tractatus De Legitima Svmmi Pontificis
electione, iuxta Summorum Pontificum, praesertim
Gregorij XV. & Sanctiss. D. N. Vrbani ...**

Bonacina, Martino

Lvgdvni, 1637

Qvæstio VII. De excommunicatione Gregorij & sanctissimi D.N. Vrbani,
contra Cardinales non seruantes formam in eligendo Summo Pontifice
præscriptam, aut præsumentes aliquid facere, vel attentare ...

urn:nbn:de:hbz:466:1-10669



QVÆSTIO VII.

*De excommunicatione Gregorij XV.
et sanctissimi D.N. Urbani, con-
tra Cardinales non seruantes for-
mam in eligendo Summo Pontifice
præscriptam, aut præsumentes ali-
quid facere, vel attentare contra
ipsorum constitutiones.*

S V M M A R I V M .

- 1 *Assignatur materia istius excommunica-
tionis.*
- 2 *Assignatur subiectum istius excommunica-
tionis.*
- 3 *Absolutio excommunicationis contractæ ob
violationem constitutionis Gregorij XV.
circa electionem, reseruata est Papæ, nec
ullus virtute cuiuslibet priuilegij excepto
mortis articulo absoluere potest.*

T R I A



R I A principaliter explicabo, pri-
mò quænam sit materia istius ex-
communicationis; secundò, quód-
nam sit subiectum; tertiò, quis pos-
sit eius absolutionem conferre.

PRIMA PROPOSITIO.

Materia istius excommunicationis
præcipua est, contrauenire formæ à
Gregorio præscriptæ in electione Summi
Pontificis, quæ autem forma præscripta sit,
constat ex supradictis, & patet ex ipsa Bulla,
in qua non solum traditur forma electionis
præcisè, verum etiam iuramenti, & deputa-
tionis Cardinalium ad suscipiendum infirmo-
rum vota, præterea sub excommunicatione
præcipitur, vt scrutinium bis singulis diebus
peragatur, vt Cardinales non infirmi post ter-
tium Campanæ sonum ad locum Conclavis
solitum conueniant, vt secretum seruent, vt à
pactionibus, conuentionibus, promissionibus,
aliisque obligationibus, minis, signis, contra-
signis suffragiorum, aliisque huiusmodi, tam
respectu inclusionis, quàm exclusionis, seu
suffragio dando, vel non dando abstineant, vt
electio non fiat nisi clauso Conclavi, alioquin
non teneat, vt electio non fiat, nisi per secreta
schedu

schedularum suffragia , vel per viam compromissi , vel quasi per inspirationem , iuxta formam ibi impositam , alioquin electio irrita sit , & inualida ; in his omnibus casibus excommunicatione ipso facto imponitur , sub eadem excommunicationis pena Cardinalibus prohibetur mutatio , alteratio , actio , vel etiam attentatio contra istam constitutionem , vel contra aliquid in ea contentum ; ut autem exactior habeatur cognitio eorum , quæ in hac Bulla Cardinalibus præscribuntur , videnda sunt ea quæ tradidi disp. i. sub initium , vers. Brevis , & compendiosa enumeratio .

SECVNDA PROPOSITIO.

2 Vbiectum istius excommunicationis sunt Cardinales contra istam constitutionem delinquentes ; ipsi enim exprimuntur , & ab ipsis huius Bullæ obseruatio exigitur .

Addi potest casus in quo alijs præter Cardinales hac censura ligantur , nempe ob electionem inualidam , quando electio celebrata fuit Conclavi nondum clauso , aut non seruata forma scrutinij , accessus , compromissi , & quasi inspirationis ; tunc enim non solum Cardinales , verum etiam complices , & fautores laqueo excommunicationis irretiuntur : nam

in

270 *De Electione legitima*

in Bulla dicitur , tam ipse , quām eligentes , eiusque factores , & complices sententiam excommunicationis , & anathema , aliasque censuras , & pēnas , in uasoribus Sedis Apostolice , à sacris Canonibus , & constitutionibus Apostolicis impositas , pariter ipso facto incurvant .

TERTIA PROPOSITIO.

³ **A**bsolutio istius excommunicationis reseruata est Summo Pontifici , nec ullus excepto mortis articulo etiam virtute alicuius priuilegij potest ab ea absoluere , nam in præfata Bulla dicitur , A qua sicut ab alia quacunque in hac constitutione imposta , & irrogata , seu infra imponenda , & irroganda pēna excommunicationis , tam ipsi , quām quilibet aliis , siue S. R. Ecclesiae Cardinalis , siue alia persona cuiuscunque gradus , conditionis , dignitatis , & præminentiae , à nullo , neque etiam à maiori Pēnitentiario , cuiuscunque facultatis vigore , præterquam à Romano Pontifice , nisi in mortis articulo absolui possit .

Hinc sequitur , primò Episcopum non posse absolutionem impendere , etiamsi delictum sit occultum ; quamuis enim Episcopus possit à censuris Summo Pontifici reseruatis , & ob delictum occultum contractis , absolu-

re,

re, ex Concilio Trid. sess. 24. cap. 6. nihilominus ab ista non potest: quia Summus Pontifex absoluendi facultatem absolutè ademit, etiam maiori Pœnitentiario post editionem Tridentini.

Neque obstat dicere in hac reseruatione non fieri mentionem Concilij Tridentini, consequenter non censeri derogatum priuilegiis Episcoporum in Tridentino concessis. Respondeo enim primò iuxta communiorum sententiam, non requiri mentionem Concilij Tridentini in concessionibus Summi Pontificis, ut patet ex dictis de censuris in particulari *disp. 1. quest. 22.* dum loquerer de absolutione ab excommunicationibus *in Bulla Cœnæ.* Responderi potest secundò, in hac Bulla derogari omnibus Constitutionibus, & Decretis, etiam Conciliorum generalium huic Bullæ contrariis, ibi *non obstantibus, quatenus opus sit, &c.* quæ derogatio extendi etiam videtur ad reseruationem huius censuræ, cùm derogatio sit generalis, quatenus opus est.

Secundò, sequitur, Religiosos non posse hoc tempore virtute suorum priuilegiorum ante istius Bullæ constitutionem concessorum, ab hac censura absoluere, ut patet ex allata ratione. An autem absolutio virtute,

Cruciatae,

272 *De Elect. legit. Summi Pontif.*

Cruciatae, impendi possit, patet ex dictis de legibus, de cessatione priuilegiorum, & ex dictis de absolutione ab excommunicationibus Bullæ Cœnæ.

Tertiò sequitur absolutionem ab hac censura impendi posse, dum Summus Pontifex de nouo creatus dicit aliquibus Conclauistis, *Do vobis facultatem qua absolui possitis ab omnibus excommunicationibus contractis occasione Conclavis, seu creationis Pontificis;* tunc enim censeretur data facultas Confessario, ut patet ex dictis de *Sacramentis.*

Ad Dei, Beatissimæ Virginis, Sanctorumque omnium laudem.

F I N I S.

A D